



Implementiraju se u periodu 2020/2021...

INFRASTRUKTURNI PROJEKTI REZ AGENCIJE



-  **TREIN – Mreža poduzetništva i inovacija Travnik**
POSLOVNA INFRASTRUKTURA
-  **Staza stare pruge**
TURISTICKA INFRASTRUKTURA
-  **Uvođenje sistema upravljanja za tokove posebnih kategorija otpada u dva kantona u Bosni i Hercegovini**
KOMUNALNA INFRASTRUKTURA

U ovom izdanju

Projekti

- Infrastrukturni projekti 2020-2021
Trein – mreža poduzetništva i inovacija Travnik, **Str. 2**
- Infrastrukturni projekti 2020-2021
Staza stare pruge, **Str. 3**
- Infrastrukturni projekti 2020-2021
Uvođenje sistema upravljanja... **Str. 4**
- Infrastrukturni projekti
Aktivnosti realizirane u 2020. **Str. 5**

Regionalni projekti

- Projekt STRIDE - Poboľšano energijsko planiranje uz integraciju koncepta pametnih mreža u Dunavskoj regiji, **Str. 6**

Saradnja s programom USAID WHAM "Razvoj radne snage i veći pristup tržištima"

- Kompletiran projekt "Ojačajmo fond za standarde", **Str. 7**
- Potpisan ugovor za implementaciju projekta "Razvoj radne snage u SBK/KSB", **Str. 7**

Razno

- Godina obilježena poslovanjem u izvanrednim okolnostima, **Str. 8**

Projekt

TREIN – MREŽA PODUZETNIŠTVA I INOVACIJA TRAVNIK

1. januar 2020.

30. juni 2021.



Javni poziv

Nositelji projekta

GIZ (Deutsche Gesellschaft für Internationale Zusammenarbeit;
UNDP (United Nations Development Programme) i ILO
(International Labour Organisation)

Partner u implementaciji projekta

REZ Agencija (Regionalna razvojna agencija za regiju Centralna
BiH) – za upravljanje projektom i koordinaciju

Cilj projekta

Doprinijeti unapređenju kapaciteta u oblasti zapošljavanja u općini
Travnik i na području Srednjobosanskog kantona (SBK) kroz
kreiranje i razvoj mehanizama podrške mladima u pokretanju i
vođenju vlastitog biznisa.

Područje implementacije

Općina Travnik i Srednjobosanski Kanton/Kanton Središnja Bosna

Implementacijom projekta TREIN će se:

- ubrzati uspostavljanje i podržati razvoj najmanje 20 inovativnih start-upa;
- unaprijediti prostor u Inkubatoru “BeeZone” s minimalno 4 nova prostora potpuno opremljena i namjenski uređena za start-upe;
- održati motivacioni program promocije samozapošljavanja za najmanje 100 mladih nezaposlenih osoba (do 30 godina);
- realizirati program poduzetničke edukacije za najmanje 100 mladih u cilju razvoja i realizacije poslovnih ideja;
- podržati 32 firme u “pred start up” i “start up” fazi podržane u analizi poslovanja i razvoju radi održanja i kreiranja radnih mjesta – mentoring za 12 postojećih i 20 novoosnovanih startupa;
- ažurirati baza biznis inkubatora “BeeZone” sa novih 100 poslovnih ideja prikupljenih kroz poduzetničke edukacije;
- održati sajam ideja sa predstavljanjem 32 start-upa iz “BeeZone” inkubatora

S ciljem osiguranja sudjelovanja partnera u procesu planiranja, provedbe i zagovaranja politike razvoja ljudskih resursa, djeluje **Lokalno partnerstvo za zapošljavanje općine Travnik (LPZ Travnik)** koje čine:

Općina Travnik, Regionalna razvojna agencija za regiju Centralna BiH (REZ Agencija), Služba za zapošljavanje SBK/KSB, Centar za edukaciju mladih – CEM, Sveučilište/Univerzitet “Vitez” Travnik, GS-tmt d.o.o Travnik, NOBIL d.o.o. Nova Bila, Mješovita srednja tehnička škola Travnik i Mješovita srednja ekonomsko-ugostiteljska škola Travnik.



Početak programa poduzetničke obuke u BeeZone biznis inkubatoru Travnik



Projekt

**STAZA STARE PRUGE
(OLD RAIL TRAIL)**

1. juni 2020.

30. novembar 2021.



Nositelji projekta

EU4Business projekt, koji zajednički finansiraju Europska unija i Savezna Republika Njemačka, a projekt zajednički provode GIZ, ILO i UNDP.

Partner u implementaciji projekta

REZ Agencija (Regionalna razvojna agencija za regiju Centralna BiH) – vodeći partner.

Cilj projekta

Unaprjeđenje i integracija kulturno-outdoor turističkog proizvoda BiH (Staza stare pruge) u međunarodni lanac vrijednosti integrirajući ga u zelenu stazu Via Dinarica.

Područje implementacije

Srednjobosanski Kanton/Kanton Središnja Bosna; Općine Busovača, Vitez, Travnik, Donji Vakuf i Jajce

Implementacija projekta će

- Trasirati rutu i obezbjediti infrastruktura i opremu
- Razviti i prilagoditi sistem za bicikle, povećavajući dodana vrijednost samoj ruti
- Integrirati lokalne dionike u razvoj i promociju rute
- Povećati povezanost rute sa globalnim tržištima (vidljivost) i omogućiti jednostavan pristup biciklističkim uslugama za turiste kroz IT alate
- Raditi na vidljivosti rute i usluga prilagođenih biciklistima, te vidljivosti projekta

Ovim projektom će se kreirati **novi turistički proizvodi** za turiste koji ovo područje posjećuju tokom ljeta, te će se tako proširiti turistička ponuda za duži boravak posjetilaca i veći broj gostiju u okviru turizma na otvorenom. Između ostalog, projekat će podržati izgradnju biciklističke staze u kombinaciji s turističkim razgledanjem ruralnih područja, gastronomskom ponudom i smještajem.

Projekt "Staza stare pruge" će omogućiti i **promociju navedene ponude na međunarodnom planu**. Korisnici, koji uključuju putničke agencije, ugostiteljska poduzeća, hotele, pružatelje usluge noćenja s doručkom, te tematska sportska udruženja, klubove i ostale, će svi imati koristi od boljeg kvaliteta turističke infrastrukture i povećanja broja turista.



Studijsko putovanje u Hrvatsku – august 2020.



Naručilac: Regionalna ekonomska zajednica
REZ d.o.o.
Zenica

IDEJNI PROJEKAT

uređenja biciklističke staze i gradnje odmorišta na relaciji
Busovača – Jajce trasom stare pruge



PROJEKAT „OLD RAIL TRAIL“



Finansira Evropska unija



DEUTSCHE ZUSAMMENARBEIT

EU4Business

Za konkurentnu i inovativnu domaću ekonomiju
For competitive and inovative local economy

Projekt

UVOĐENJE SISTEMA UPRAVLJANJA ZA TOKOVE POSEBNIH KATEGORIJA OTPADA U DVA KANTONA U BOSNI I HERCEGOVINI

15. decembar 2018.

14. decembar 2021.



Nositelji projekta

Njemačka razvojna saradnja GIZ - Program njemačkog Saveznog ministarstva za privrednu saradnju i razvoj (BMZ) – develoPPP i Preduzeće za uklanjanje otpada i reciklažu ALBA Zenica d.o.o.

Partner u implementaciji projekta

REZ Agencija – Regionalna razvojna agencija za regiju Centralna BiH

Cilj projekta

Unaprjeđenje upravljanja komunalnim otpadom i u skladu je sa preporukama Evropske zajednice (Direktiva 2008/98/EC).

Da bi se postigao ovaj cilj projekt će:

- Omogućiti zajedničko kreiranje sistema za upravljanje tokovima posebnih kategorija otpada
- Uspostaviti i testirati sistem za upravljanje tokovima posebnih kategorija otpada u pet jedinica lokalne samouprave (JLS)
- Promovirati i podstaći prihvatanje, usvajanje i proširenje primjene sistema za upravljanje tokovima posebnih kategorija otpada u dva kantona u BiH provođenjem kampanje podizanja svijesti i adekvatnim mjerama širenja informacija

Područje implementacije

Zeničko – dobojski kanton i Srednjobosanski kanton/Kanton Središnja Bosna

Ciljne grupe

Domaćinstva/građani koji žive na području JLS koje učestvuju u projektu; Škole, školska djeca i omladina; Nadležne službe za upravljanje otpadom: ministarstva, inspekcije, gradske i općinske službe; Privredni subjekti koji su uključeni u upravljanje otpadom (sakupljači, operateri, reciklažeri); Poslovna zajednica (mala i srednja preduzeća - MSP); Nevladine organizacije; Mediji

Grupe aktivnosti koje se provode u okviru projekta:

1. Uspostavljanje sistema za upravljanje tokovima posebnih kategorija otpada
2. Uspostavljanje sistema za sakupljanje posebnih kategorija otpada/**infrastruktura**
3. **Testiranje** ("Piloting") sistema za upravljanje tokovima posebnih kategorija otpada
4. **Podizanje svijesti** među građanima i MSP i diseminacija (širenje) rezultata projekta



Stadijsko putovanje u Hrvatsku



Dio opreme nabavljene u projektu



Info dan za medije u JP "Bašunari" Travnik



Ulične kampanje



Implemented by





▪ **Otvorena reciklažna dvorišta u JLS koje sudjeluju u projektu**

Povodom obilježavanja Svjetskog dana zaštite okoliša, 05. juna 2020. godine u Gradu Zenica i Općinama Tešanj, Žepče i Busovača puštena su u funkciju reciklažna dvorišta za sakupljanje posebnih kategorija otpada. Reciklažno dvorište u Općini Travnik je otvoreno u julu 2020. godine.

▪ **Poslovni model**

Urađen je dokument "Poslovni model za sistem upravljanja posebnim kategorijama otpada". Rađen je na primjeru pilot jedinica lokalne samouprave koje sudjeluju u projektu, ali je primjenjiv i na druge JLS.

2020

Poslovni model za sistem upravljanja posebnim kategorijama otpada



▪ **Promotivne aktivnosti**

Jedan od ključnih problema na području ZDK i SBK/KSB, kao i u cijeloj BiH, je nedovoljno izgrađena svijest i znanje građana o štetnosti neadekvatnog odlaganja otpada i mogućim posljedicama takvog stanja.

U toku 2020. godine realizirano je nekoliko aktivnosti s ciljem informiranja građana.

Info dani za medije

Tijekom 2020. godine održana su tri info dana za medije, i to u Zenici, Tešnju i Travniku.

Slanje informacija uz račune za komunalne usluge

U toku juna, jula i augusta 2020. godine javna komunalna preduzeća koja sudjeluju u projektu su, uz račune za komunalne usluge, građanima dostavili i informacije o reciklažnim dvorištima.

Promocija putem lokalnih radio stanica

U JLS koje sudjeluju u projektu provedena je medijska kampanja putem lokalnih radio stanica.

Ulične kampanje

Tijekom decembra 2020. godine realizirane su ulične kampanje u Zenici, Busovači, Žepču i Travniku.



▪ **Potpisani Ugovori o dodjeli grant sredstava**

U novembru je u prostorijama biznis inkubatora BeeZone u Travniku organizirano potpisivanje Ugovora o dodjeli grant sredstava sa devet mladih poduzetnika, koji su finansijski podržani u osnivanju svojih preduzeća kroz projekt "TREIN - mreža poduzetništva i inovacija Travnik", u iznosu od po 10.865 KM. U prvom ciklusu je devet mladih poduzetnika potpisalo ugovore o dodjeli grant sredstava ukupne vrijednosti 97.000 KM.

Nakon dvomjesečne poduzetničke obuke, u kojoj je učestvovalo 19 biznisa, od 49, koliko ih je bilo prijavljeno na prvi javni poziv u okviru projekta "TREIN", njih devet je dobilo priliku i za realizaciju svojih poslovnih ideja. Njihove prezentacije i biznis planove stručna komisija je ocijenila najboljim, u smislu ostvarivosti, održivosti, konkurentnosti na tržištu rada i potencijala za rast i otvaranje novih radnih mjesta.

Budući da projekt "TREIN" nudi sveobuhvatnu podršku mladim poduzetnicima, pored finansijske, poduzetnici će dobiti i savjetodavnu, odnosno mentorsku podršku tokom prve godine djelovanja njihovih biznisa, kako bi se mogli nositi sa svim zahtjevima tržišta.

Potpisivanje ugovora bila je završnica prvog ciklusa projekta "TREIN", a u decembru je započeo drugi ciklus, u okviru kojeg će biti objavljen još jedan javni poziv za učešće u poduzetničkoj obuci i podršku mladim poduzetnicima u ostvarenju njihovih poslovnih ideja. U drugom ciklusu je planirana podrška za 11 novih poduzetničkih ideja.

U 2020. godini su izvedeni dodatni radovi na infrastrukturi BeeZone inkubatora. Urađena je rekonstrukcija krova i grubi radovi u potkrovlju čijim će završetkom inkubator raspomagati sa više od 200 m² dodatnog prostora za podršku novim poduzetnicima u Travniku, ali i u cijelom Srednjobosanskom kantonu.



▪ **Projekt zvanično prezentiran u Travniku**

U Travniku je 22.07.2020. godine zvanično prezentiran projekt "Staza stare pruge". Ovaj EU ko-finansirani projekt će kreirati nove turističke proizvode za turiste koji područje Srednje Bosne posjećuju tokom ljeta. Time će se dodatno unaprijediti turistička ponuda za duži boravak i omasovljenje posjetitelja u okviru turizma na otvorenom na području Travnika, Viteza, Donjeg Vakufa, Busovače i Jajca.

Između ostalog, starom željezničkom prugom uspostaviti će se trasa biciklističke staze u dužini od cca 105 km koja će se u kombinaciji s turističkim razgledanjem ruralnih područja, kulturno-historijske i prirodne baštine, gastronomskom ponudom i smještajno-ugostiteljskim kapacitetima promovirati na međunarodnom planu.



➤ **Studijsko putovanje u Istru, august 2020.**

Razmijenjena veoma korisna iskustva u vezi sličnih inicijativa s predstavnicima Istarske razvojne turističke agencije (IRTA) u Istri, Republika Hrvatska.

U okviru projekta "Staza stare pruge" uspostaviti će se biciklistička staza na relaciji Lašva – Jajce, a ovom prilikom razgovaralo se o iskustvima i problemima na koje su nailazili predstavnici IRTA-e prilikom realizacije sličnog projekta na području Istarske županije.

U toku seminara koji je održan u Motovunu, predstavljeni su projekti "Istra bike" i "Istra Outdoor u Istarskoj županiji" kao i destinacijska menadžment organizacija (DMO) i pristup upravljanja destinacijom.

Prikazana su i iskustva u vezi edukacije biciklističkih vodiča i stvaranje "bike" specijalista u destinaciji, te primjeri razvoja biciklističke infrastrukture i signalizacije.



Interreg Danube Transnational Programme
STRIDE

Start date
01-07-2020

End date
31-12-2022

Budget in Euro
Overall: 1061969.77
ERDF Contribution: 834497.49
IPA Contribution: 68176.8
ENI Contribution: 0

Call number
Call 3

Priority
Better connected and energy responsible Danube region

Specific objective
Improve energy security and energy efficiency

Projekt STRIDE - Poboljšano energijsko planiranje uz integraciju koncepta pametnih mreža u Dunavskoj regiji

Javni oficijelni kick-off događaj projekta STRIDE održan je 5. novembra 2020. godine

Predstavnica Vodećeg partnera komentirala je ulogu pridruženih strateških partnera u okviru oficijelnog kick-off događaja: **"Pridruženi strateški partneri igraju presudnu ulogu u projektu STRIDE, jer će oni biti ti koji će implementirati ili podržati implementaciju strategija pametnih mreža i akcionih planova – i u tom pogledu je važno uključiti ih u opsežni dijalog od početka projekta"**.

S obzirom na važnost uloge pridruženih strateških partnera i interesnih strana u uspješnoj implementaciji projekta, vodeći partner je dodao: **"Kick-off događaj je bio prvi u nizu događaja koji su organizovani u okviru projekta STRIDE i koji su zahtijevali aktivno učešće pridruženih strateških partnera."**

Pametna energetska platforma Dunavskog regiona, razvijena u okviru projekta STRIDE, uspostavit će se kako bi se stvorila mreža stručnjaka, kreatora politike i drugih relevantnih interesnih strana kako bi se pojačalo uvođenje strategija pametnih mreža u Dunavskom regionu. Web platforma će biti dizajnirana na način koji omogućava njenu primjenu u cijelom Dunavskom regionu, tako da će rezultati projekta predstavljati visoku replikacijsku vrijednost i osigurati skalabilnost u Dunavskom regionu i šire.

Dodatne informacije o projektu STRIDE

Projekt STRIDE, koji podržava Poboljšano energetske planiranje kroz

Integraciju koncepta pametnih mreža u Dunavskom regionu, vodi Lokalna agencija za energetiku Spodnje Podravje (LEASP) zajedno sa sedam projektnih partnera i osam pridruženih partnera iz Slovenije, Njemačke, Austrije, Češke Republike, Mađarske, Hrvatske, Bugarske i Bosne i Hercegovine. Kroz prijenos znanja i razvoj alata za planiranje, cilj STRIDE projekta je da pruži sveobuhvatnu podršku regionalnim/lokalnim kreatorima politika za poboljšanje energetske planiranja.

Projektni Partneri

Partnerstvo STRIDE projekta vodi Lokalna agencija za energetiku Spodnje Podravje (LEASP). Partnerstvo je dobro uravnoteženo s kompetentnim partnerima (ERDF/IPA + ASP), uključujući agencije za energetiku, univerzitet, organizacije za istraživanje i razvoj, energetske klastere i kreatora politika. Partnerstvo se razvija u različitim regijama, u rasponu različitih nivoa ekonomskog razvoja.

1. Lokalna agencija za energetiku Spodnje Podravje (Slovenija)
2. Europski institut za inovacije – tehnologiju (Njemačka)
3. ConPlusUltra (Austrija)
4. Bay Zoltán Neprofitna organizacija za primijenjena istraživanja (Mađarska)
5. Univerzitet u Zagrebu Fakultet elektrotehnike i računarstva (Hrvatska)
6. Bugarski forum za energetiku i rudarstvo (Bugarska)
7. EGÚ Brno, a. s. (Češka Republika)
8. Centar za energiju, okolinu i resurse (Bosna i Hercegovina)

Pridruženi partneri

9. Češka biogasna asocijacija (Češka Republika)
10. Naučno-istraživački centar Bistra Ptuj (Slovenija)
11. Agencija za održivi razvoj energije (Bugarska)
12. Javno komunalno preduzeće Dorfen Ltd (Njemačka)
13. Ministarstvo zaštite okoliša i energije (Hrvatska)
14. Regionalna ekonomska zajednica "REZ" d.o.o. Zenica (Bosna i Hercegovina)
15. BEST – Bioenergija i održive tehnologije (Austrija)
16. Mađarsko regulatorno tijelo za energetiku i komunalne usluge (Mađarska)

REZ Agencija - pridruženi partner

REZ Agencija je pridruženi partner u BiH i, zajedno sa projektnim partnerom za BiH "CENER21 – Centar za energiju, okoliš i resurse", biti će uključena u regionalne analize, razvoj strategija, akcionih planova i treninga, što će omogućiti i ubrzati koncept intergracije pametnih mreža u lokalne politike u Dunavskom regionu.



Kompletiran projekt "Ojačajmo fond za standarde"

- Završna konferencija projekta održana u Travniku 25.02.2020. godine

U okviru programa "Razvoj radne snage i veći pristup tržištima" (WHAM) koji finansira Američka Agencija za međunarodni razvoj - USAID, a provodi Međunarodno izvršno službeno tijelo, International Executive Service Corps završen je projekt "Ojačajmo Fond za standarde" čiji je korisnik bila Regionalna razvojna agencija za regiju Centralna BiH - REZ Agencija u periodu od 1. oktobra 2018. do 31. januara 2020.

Ovaj projekt je podržao kompanije iz SBK/KSB kroz finansiranje troškova uvođenja sistema upravljanja kvalitetom i potrebnih certifikata za proizvode/usluge, kao što su EU standardi ili drugi relevantni standardi traženi na ciljanim tržištima. Projekt je bio fokusiran na unaprijeđenje brzo-rastućih, izvezno orijentiranih i spremnih malih i srednjih preduzeća iz drvne, metalne i tekstilne industrije.

Postoji velika potražnja među kompanijama da dobiju podršku za implementaciju standarda i certificiranja. Mnogi proizvodi koji se izvoze u EU zahtijevaju standarde zakonom ili se traže na tržištu. Međutim, veliki broj kompanija u SBK/KSB nisu poduzele konkretne korake da dobiju potrebne certifikate i standarde kvaliteta, a koji predstavljaju efikasno sredstvo za ulazak na tržište EU i povećanje izvoza iz BiH.

Ukupno 17 kompanija iz SBK/KSB podržano je kroz zajednički projekt "Ojačajmo fond za standarde u SBK/KSB". Preduzeća korisnici grant sredstava u projektu "Ojačajmo Fond za Standarde u SBK/KSB" su u prošloj godini ostvarila slijedeće rezultate (prema izvještajima korisnika):

- Broj novih radnih mjesta: 117
- Broj novih transakcija/narudžbi: 61
- Povećanje prihoda: 129.967 KM
- Povećanje izvoza: 3.243.463 KM



Potpisan ugovor za implementaciju projekta "Razvoj radne snage u SBK/KSB"



USAID
FROM THE AMERICAN PEOPLE



U okviru aktivnosti vezanih za razvoj radne snage, REZ Agencija i USAID WHAM projekt potpisali su Ugovor čiji je glavni fokus razvoj radne snage u šest srednjih i malih preduzeća (SME) Srednjobosanskog kantona kojim će koordinirati REZ Agencija.

Ove aktivnosti će biti značajna podrška za daljnji rast i razvoj, osobito u vrijeme nedostatka finansijske podrške kompanijama tokom pandemije.

Aktivnosti uključuju organizaciju obuke postojeće i nove radne snage kako bi se kvalitetno i pravovremeno odgovorilo na zahtjeve tržišta.

REZ Agencija upravlja projektom "Razvoj radne snage u SBK/KSB" koordinirajući aktivnosti na razvoju radne snage u kompanijama korisnicama. Te će se aktivnosti finansirati iz Fonda za prekvalifikaciju, koji će u nedostatku finansijske podrške kompanijama tokom pandemije biti značajna podrška za dalji rast i razvoj.

Fond za prekvalifikaciju omogućiti će kompanijama organizaciju obuke postojeće i nove radne snage kako bi se kvalitetno i pravovremeno odgovorilo na zahtjeve tržišta. Obuke će biti organizirane u skladu sa individualnim potrebama svake kompanije i uglavnom u radnim prostorima kompanije.

Pored svojih, kompanije će takođe koristiti spoljne kapacitete za obuku radne snage angažujući proverene i specijalizovane organizacije za pružanje usluga obuke radne snage. Planirani treninzi mogu se svrstati u dvije grupe treninga višeg nivoa specifičnog znanja - programiranje i upravljanje operativnim procesima.

Ukupno će biti realizirano 15 obuka za 37 postojećih i 17 novih radnika prema programima i metodama koje su odabrale kompanije koje koriste sredstva u projektu.

Osnovni podaci o projektu

Lokacija

Srednjobosanski Kanton/Kanton Središnja Bosna

Trajanje projekta

6 mjeseci (od 1. novembra 2020. do 30. aprila 2021.)

Finansira

Program "Razvoj radne snage i veći pristup tržištima" (WHAM) koji finansira Američka Agencija za međunarodni razvoj - USAID, a provodi Međunarodno izvršno službeno tijelo, International Executive Service Corps (IESC)

Projekt implementira

REZ Agencija (Regionalna razvojna agencija za regiju Centralna BiH)

Opći cilj projekta

Podrška privatnim i / ili javnim institucijama, sektorskim udruženjima i institucijama za osposobljavanje koje pokazuju jasan angažman i odgovor na potražnju radne snage ciljanih sektora.

Specifični cilj projekta

Razvoj radne snage u Srednjobosanskom kantonu kroz provođenje obuke za postojeće i nove radnike prema programima i metodama koje su odabrale kompanije.

Očekivani rezultati

- Broj kompanija korisnica: 6
- Broj obučeni ljudi - zaposlenih: 37
- Broj obučeni nezaposlenih: 17
- Broj novo zaposlenih: 18

POSLOVANJE + CORONA



NORMALNO

Dragi prijatelji,

U maju 2020. godine REZ Agencija je obilježila 16 godina uspješnog poslovanja. U svom poslovnom postojanju smo imali više i manje uspješne godine, ali kroz sve te godine nas je pratila konstanta zvana izazovi. Izazov pozicioniranja, izgradnje kapaciteta, doprinosa ekonomskom razvoju regije, politički izazovi, finansijski izazovi, poslovanje u vrijeme krize, izazov održivosti i samoodrživosti. U 2020. godinu smo ušli sa konkretnim planom, obezbijeđenim projektima i racionaliziranim poslovanjem. A onda nas je dočekaao lockdown i korona kriza. Uostalom, kao i sve druge poduzetnike. Preko noći smo bili prisiljeni promijeniti navike i ponašanje, prilagoditi se, maksimalno prebaciti u virtualni svijet.

To nije bio mali izazov jer se veliki dio aktivnosti REZ Agencije odnosi na edukaciju, a implementacija projekata zahtjeva intenzivnu komunikaciju. Od nekih planiranih aktivnosti smo, na žalost, morali zbog toga odustati, ali smo vrijedno radili na kreiranju novih, mogućih u datim uvjetima.

Na kraju ove godine možemo reći da smo se uspjeli prilagoditi, a sa Vama želimo podijeliti informacije o najinteresantnijim uspjesima u ovoj godini.

Zahvaljujem se kolegama i kolegicama u REZ Agenciji što su ovu situaciju tretirali kao izazov i dali maksimalni doprinos za uspješan završetak godine.

U ime tima REZ Agencije, našoj regiji Centralna BiH želim brz oporavak i povratak u normalno, a svim našim prijateljima i partnerima želim zdravlje, uspjeh i sreću u Novoj 2021. godini.

Maja Kišić
v.d. direktor

